

կաղկանձոցը, արջերի մրթմրթոցը եւ քաղ-
ցած գայլերի ոռնոցը հարադատ ու ընտանի մի
չէշտ ունին աստղերի ցոլքի տակ ստեպների
սրտին:

Եւ ձմեռն ստեպներո՞ւմ...

Միապաղաղ ձերմակ տարածութիւն, ուր
ձիւնը ճոնչում է մարօզի*) սաստկութիւնից,
անտառները սպիտակ պատան հազած ուրուա-
կանների պէս եռում են անպարփակ հորիզոն-
ների տակ, եւ խրճիթները սոկւում ու լուծ-
ւում են հարթութեան մէջ եւ դաշտերում խու-
սախող սահնակների յետեւից քաղցած գայլե-
րի վոհմակն է սլանում:

Եւ յետոյ՝ անսահման մեկանխօյիւն
դաշտերի, ուր լուսաբացին եւ վերջալոյսին
գոյները անհուն նիւանսներ ունին եւ կիրք
չունին: Ու լուսնկայ գիշերներ կան դիւթիչ,
սասղազարդ ու խաղաղ, երբ անեղր ու արծա-
թաղօծ հարթութեան ծածուկ հեւքն է լսում
եւ հոկայ րիթմը մի խօսուն լուծթեան:

Ոչ մի երկրում գիշերներն այնպէս խո-
րունկ են ու խորհրդաւոր, որպէս Ռուսիա-
յում, ուր լուծթիւնը միշտ մի կրօն է աստուա-
ծախնդրի հոգիներին եւ աստղերի ցոլքերով
նուաճուած խաւարը մի անհուն երաժշտու-
թիւն: Ոչ մի աշխարհում ճամբան այն երազա-
կան կախարդանքն ունի, ինչպէս Ռուսիայում,
ուր նա գալարւում, ձգւում է անեղր տա-
րածութեան մէջ եւ իրար յաջորդող տեսա-
րանների նոյնութեամբ քաշում է քեզ միշտ հե-
ռու ու հեռու մի ցնցող կոնտրաստի ծարաւով:
Ռուսական ճամբան մի խեղդող հարցական է
ձգուած տարածութեան մէջ, որի պատասխանը
յաւիտենապէս խուսափող, ու յաւիտենապէս
դիւթիչ է մնում ու քաշում է:

Դեռ նշանաւոր ոռն բանաստեղծն է եր-
գել այդ գիշերն ու ճամբան.

«Ու դուրս եմ գալիս. ես մենակ եմ ճամ-
բին,
«Մշուշի մէջ քարուտ ուղին է կայծկը-
տում.
«Գիշերը հանդարտ է, ծովածաւալ դաշտն
է լսում աստծուն.

*) Ստոնամանիք:

«Եւ աստղը աստղի հետ զրոյց է անում:
«Հիասքանչ երկինքը փռուած է վեհօրէն,
«Կապտաւուն ցոլքերի մէջ երկինն է
հանգչում»:

Այսպէս է ոռնական բնութիւնը:

Հապա իր պատմութիւնը... Թաթարա-
կան բնութիւն, ճորտութիւն, ցարիզմ եւ բո-
լորն էլ դարերով, որոնցից իւրաքանչիւրը ա-
ռանձին վերցրած բաւական է, որ արդարու-
թեան ծարաւ եւ միստիկ բնութեան մէջ ապ-
րող մի ժողովրդի հոգին ինքն իր մէջ ծոխ:

Հարթութիւնները միշտ կրօնների եւ սրբ-
տապատառ երգերի որդան են:

Լսե՞լ էք ոռն մարդու երգը. նրա առաջին
յանկերն իսկ քեզ բռնում են ու քարացնում,
ինչպէս յանկարծակի առջեւ քացուող մի դիւ-
թիչ տեսարան, ապա կամաց- կամաց մշուշի
մէջ փռւում է ստեպը, ահա եւ վերջը, այդ
անուշ ու թախծոտ finale-ը, որ դողդողում
է մեղմօրէն որպէս հովերի շարժած լար, որ-
պէս հողեվարք մանկան մեղմիւ դոցուող աչ-
քեր, որպէս անդարձ հեռացող սիրելու ոտնա-
ձայն:

Ռուսական երգը հարթութեան մէջ ձրդ-
ուող անծայր ու քաշող ճամբան է, իր անց-
րութեան վրայ լացող անհունը, իր մեծութիւ-
նից ու տառապանքից փախչող մի տիտան:

Ռուս երգը ոռն ստեպի հեծկլտանքն է
եւ ստեպը՝ ամբողջ ոռն մարդն է:

* * *

Եւ ահա այս մեկամաղձոտ, այս անպար-
փակ տարածութեան մէջ՝ ուր ասեա մի մեռած
աստծու վրայ յաւիտենական սուգ կայ, ծըն-
ւում, աճում, շարժւում, գործում, խորհում
է մարդը:

Ռուս մարդը...

Եւ միշտ որեւէ բնութեան տակ, արտա-
քին, կամ ներքին:

Տեսե՞լ էք երբ եւ իցէ ոռն գեղջուկը,
այդ միշտ ծեր-մանուկը, երբ նա մեն-մենակ
քայլում է դաշտերով: Առջեւն ասեա ճամբայ
չկայ, այլ կայ մի անմիտ տարածութիւն, որ
քաշում է անդիմադրելի դիւթանքով: Յաճախ
այդ մարդը ճամբով չի էլ գնում, այլ ինչպէս
պատահի, ուր քայլերն են տանում, կամ ինչ-